

貪嗔癡惡罪元量亦元邊今對大慈尊一心
陳懺悔

殺害邪淫罪元量亦元邊今對大慈尊一心
陳懺悔

向來宣陳懺悔萬罪消除奉為亡靈皈依
三寶

志心歸依

无上道大羅元始尊奉為此亡靈來和往生
神仙界

舉志心歸依

无上經龍章鳳篆文奉為此亡靈來和往生
神仙界

舉志心歸依

无上師玄中大法師奉為此亡靈來和往生
神仙界

舉志心歸依

三寶已回此妙良因七祖及九玄來和同生
極樂園

舉志心歸依

三寶已回此妙良因五道與三塗眾和同生

極樂園

舉向來

向來稱揚五方五老並已周圍奉為亡靈往
生天界伏願清魂不昧淨魄昭然落罪籍於
黑編注生名於丹簡遠初心於清靜悟本性
以道運來彼碧霞涉諸妙域脫死因於九地
證生理於三天鶴駕雲車入大羅之法會實
播絳節登浪苑之仙階亡者生天見存獲福
上窮圓極下及方隅有識無情同登蓮岸

黃籙五老悼亡儀

二儀同卷

黃籙齋十天尊儀

黃籙齋十洲三島祝度儀

場三

黃籙齋十天尊儀

法事

伏聞三境高真水鎮玉京之上十天家邈上
通金闕之遙是為列聖之居皆號無極之園
仰惟玉宸之慈化重遣救苦之懇誠訓告未
聞發明聖境儻皈依之不急必昭繼以無私
載度天人俾生者密膺於善祐普單冥路使
亡者永脫於業緣用舉齋盟敢忘皈向今齋
主恭修建道場用資亡歿仰憑道力同為讚
揚

十方救苦天尊

太上道君曰東方青靈始老蒼帝九炁天君
華林境界其有真人名曰靜境無極之國惠
淨莊嚴青鸞鼓舞於晴空白鶴飛鳴於碧落
仰眾真而笑傲陪九老以遨遊奉薦亡靈往

主彼國參傳妙道聽法聞經仰憑道方同為讚揚

玉寶皇上天尊

東方聖境妙難思 瑞氣盈盈鎖翠微
九炁天君與善念 青靈始老握神機

蒼龍昇降隨煙霧 賜谷霏澄瑩日輝
玉寶天尊垂妙力 亡魂升度入金扉
和不可思議功德

太上道君曰南方梵寶昌陽丹靈真老赤帝
三炁天君升天境界其有真人名曰真老無
極之國端化莊嚴雲上九都總長生之錄藉
南昌六府司植福之樞機奉為亡靈往生彼
國參傳妙道觀聽法音眾等虔誠稱揚功德

玄真萬福天尊

南方聖境號升天 中有真人體自然
飛霧上騰三氣遠 景風低拂五雲旋
蟠桃爛熳應千載 大藥芬芳定劫年
萬福天尊垂救度 苦魂今得從朱軒
和不可思議功德

太上道君曰西方七寶金門皓靈黃老白帝

七炁天君金光境界其有真人名曰法寶無
極之國利益莊嚴金童捧蓋於遙空玉女頹
芳於琦圃敷濟生之妙範宮度死之真詮奉
薦亡靈往生彼國參傳妙道觀聽法音眾等
虔誠同為讚揚

太妙至極天尊

西方聖主號靈君 七氣天中別有春
瓊樹參差凝湛露 瑤光零落散輕塵
龜臺聖母遊遊過 鳳闕仙鄉致宴迎
太妙天尊來接引 靈魂有路謁羣仙
和不可思議功德

太上道君曰北方洞陰朔單鬱絕五靈玄老
黑帝五炁天君真定境界其有真人名曰救
苦無極之國救苦莊嚴導五炁以化兆民布
九宸而周萬國鑑映不遺於巨細恢張豈間
於幽冥奉薦亡靈往生彼國參傳妙道觀聽
法音法眾虔誠同為讚揚

玄上玉宸天尊

北方具境號仙鄉 快樂由來日月長
環拱紫微懸列象 昭垂星斗燦靈光

雙鬟童子持金簡 五老真人誦玉章
玄上天尊來救度 昔今亡爽得生方
和不可思議功德

太上道君曰東北方長樂境界其有真人名
曰妙音無極之國周匝莊嚴天廷高聳於黃
輿地紀潛凝於紫府光曜賜谷翠湧扶桑奉
薦亡靈往生彼國參傳妙道觀聽法音眾等
虔誠稱揚功德

度仙上聖天尊

良維聖境異羣方 長樂慈尊誦九章
闌闕九重凝曉色 琪花千樹散春芳
樽桑地勝飛煙燉 浴日波澄翠淡光
上聖洪恩垂惠照 亡魂平步陟仙鄉
和不可思議功德

太上道君曰東南方碧霞境界其有真人名
曰真定無極之國妙寂莊嚴玉磬金鐘每和
長生之韻翠房丹館常開不夜之門奉薦亡
魂往生彼國參傳妙道觀聽法音眾等虔誠
稱揚功德

好生度命天尊

朱門碧瓦巨晴空 玉榜金書異極官
 霜霽飛煙珂影外 雍雍仙駕珮聲中
 鸞鳴鳳肅悠揚遠 珠藥瑤葩剪刻工
 魂爽恍如輕舉至 六銖仙袂自生風
 和不可思議功德

太上道君曰西南方羅真境界其有具人名曰瓊光無極之國善教莊嚴元與靜鎮於坤維真氣潛凝於地紀金樞發彩玉井含光奉薦亡靈往生彼國參傳妙道觀聽法音眾等虔誠稱揚功德

太靈虛皇天尊

坤維雄鎮宅仙真 坐死嘉生四季新
 駕瓦虬簷開月殿 龍樓鳳閣俯星津
 深根未斷還年藥 至藥多逢浩劫人
 此境堪迎靈魄去 五雲深處好為隣

和不可思議功德

太上道君曰西北方妙道境界其有真人名曰絳苦無極之國真仙莊嚴帝闕魏義勢迄崑丘之上天花散漫光遙玉殿之中奉薦亡魂往生彼國參傳妙道觀聽法音眾等虔誠

稱揚功德

無量太華天尊

雲衢直與帝闕通 複閣重樓翠積中
 桂影飄香乘玉露 月華分彩映朱宮
 瑤臺絳闕塵晴漢 縹渺彤霞拂浪宮

普濟真人朝太極 追寶靈爽得無窮
 和不可思議功德

太上道君曰上方玄都玉京金闕七寶玄臺三清鬱羅之界三十二天帝君妙行真人神仙五女无慾境界其有具人名曰自然無極之國紫霄莊嚴玉陛丹堦盡高仙之班列清霄紫府皆上聖之遨遊奉薦亡魂往生彼國參傳妙道觀聽法音眾等虔誠稱揚功德

玉虛明皇天尊

上方聖境大羅天 一炁分三本自然

玉珮金璫朝太上 霓旌絳節擁真仙

秘文不墜神玄化 長樂天隨浩劫仙

願度亡靈除積業 雲霞高舉五雲軒

和不可思議功德

太上道君曰下方九土高皇四司五帝九官

真宰十二仙卿神仙玉女水運丹界其有具人名曰妙行無極之國淨土莊嚴仙島神州列真游而別館洞天福地遺仙客之高蹤奉薦亡靈往生仙界參傳妙道觀聽法音眾等虔誠稱揚功德

真皇洞神天尊

三山仙洞鎖煙霞 閨苑蓬臺景物嘉
 千載不資金鼎藥 四時親賞玉蘭花
 魚龍漫衍滄溟闊 鸞鶴徘徊景異奢
 從此神儀遊路遠 勝遊宴處是仙家

和不可思議功德

伏聞大有妙書宏開於碧落十方聖境分別於丹霄爰披應號之經乃得皈身之旨使羣迷之徑路繫上聖之慈憐奉薦亡靈稱揚實

尋聲救苦天尊

天尊慈惠浩難量 聖境莊嚴大福堂
 應化分身周法界 洞幽燭暗發天光
 雲衢杳杳期超舉 仙範聲聲與薦揚
 入妙因緣今幸會 亡靈飛步得生方

和不可思議功德
向來稱揚功德並已周圓用薦亡魂往生仙界伏願親天尊之妙相依大道之恩光昇陟仙方逍遙自在然冀福霑幽顯利及存亡一切有情同登道岸

黃籙齋十天尊儀

黃籙齋十洲三島拔度儀

舉步虛

次舉三天尊

啓白

焚香上啓供養

三清上聖十極高真常極宮中慈悲太一救苦天尊十方救苦天尊九幽拔罪天尊朱陵度命天尊黃籙職司無邊仙聖十洲三島一切威靈仗此真香普同供養伏望聖慈洞回昭鑒伏以二氣運行猶分消長五常稟賦豈免浮沉乃知生滅之因是特往來之數倘欲延年住世除非脫迹升仙所以塵外十洲盡是長生之境海中三島無非不老之鄉金醴玉漿盈壺不竭霞裾雲袂遂念而生碧藕冰桃三冬結實奇花異果四季敷榮風光駘蕩以如春日月周流而不夜絳霄霽色時開長樂之宮紫霧晨暉遙敞虛皇之殿或駕蒼龍之輦或乘丹鳳之輿鶴唳一聲度仙山而頊刻鵬搏九萬絕溟海以須臾皆憑虛而御空能遺世而絕俗起居自適營慮不關錦繡谷

寒朝暎鬱儀之色丹砂雲淨夜澄結璘之輝玉女傳言金童捧詔時赴瑤池之宴同趨金闕之班樂奏鈞天聲撼廣寒之丹桂盃凝甘露香和王母之蟠桃皆由身乘榮華志甘澹泊怡神養性得及新吐故之方鍊質修真悟入聖超凡之理與塵寰而絕迹故仙籍以著名遊憇三山徘徊十極滄霞服烝保仙壽以無期煉藥燒丹度世入之有道儻有歸依之志為蒙拯拔之恩以今奉為亡過共茂闡沖科大持仙範演十洲之勝境唱三島之玄風憑仗殊因薦茲冥福伏願羣仙降鑒列聖垂光接引神儀超登樂境法衆虔誠稱揚功德

舉大聖飛昇太空天尊

十洲佳景是仙鄉 三島瓊樓住渺茫

西望龜臺通玉國 東連鯨海映扶桑

壺天飛遠人難到 塵世雖悲道易忘

願度神儀超此境 參陪王母禮虛皇

第一瀛洲之境高居溟海遙對會稽瓊室真

官乃二仙之窟宅神之靈草為萬物之嘉祥

鍊昆吾之鐵則切玉如飛飲玉醴之漿則長